

Mungu Yu Karibu na Wote Wamwitao

Bwana yu karibu na wote wamwitao, Wote wamwitao kwa uaminifu—
Zaburi 145:18.

Mungu anapendezwa pale tunapokuwa tumekaza nyuso zetu kumwelekea Yeye Jua la Haki.... Tunapokuwa taabuni na kuzongwa na wasiwasi, Bwana yu karibu na anatusihi tumtwishe Yeye fadhaa zetu, kwa maana Yeye hujishughulisha sana kwa mambo yetu....

Anawajia watoto Wake wakati wa mateso yao. Katika wakati wa hatari Yeye ni kimbilio lao. Katika huzuni, huwapatia furaha na faraja. Je! Tumkimbie Mkombozi wetu, aliye chemchemi ya maji ya uzima, wakajichimbia mabirika, mabirika yavujayo, yasiyoweza kuweka maji? Hatari inapotusogelea, je, tutahitaji msaada kwa walio dhaifu kama sisi, au tutamkimbia Yeye mwenye uweza ili kutuokoa? Mikono Yake imefunguliwa wazi na Anatamka mwaliko maridhawa, “Njoni kwangu, ninyi nyote msumbukao na wenye kulemewa na mizigo, nami nitawapumzisha.”

Sio udhihirisho wa enzi Yake kuu na ya kutisha na uweza Wake usio na kifani ambavyo vitatufanya tusiwe na udhuru ikiwa tutakataa kumpatia upendo na utii wetu. Ni upendo, huruma, uvumilivu, na ustahimilivu Aliouonesha ambao utashuhudia dhidi ya wale ambao hawampatii huduma ya hiari ya maisha yao. Wale wanaomgeukia Mungu kwa moyo nafsi na akili watapa ulinzi mtulivu ndani Yake....

Anajua kile tunachokihitaji, kile tunachoweza kukistahimili na Atatupatia neema ili tuweze kustahimili kila jaribu na jaribio ambalo ataliruhusu kutujia. Ombi langu la daima ni kumkaribia Mungu zaidi.

Kila kinachohitajika kimetolewa ili kukidhi mahitaji ya ya kiroho na ya kimaadili.... Nuru na umilele vimewekwa wazi kwa njia ya Bwana wetu Yesu Kristo. Yesu alisema kwamba ametufungulia mlango mbele yetu na hakuna mtu atakayeweza kuufunga. Mlango wazi uko mbele yetu na kwa kwakupitia ya neema ya Yesu, miale ya nuru ya rehema inatiririka kutoka kwenye malango yaliyo wazi.